

КОЛХОЗ БУСЫ

ПРИЗЫВ АЗЕ УМОЙ ДАСЯСЬКОНО

Жюген 1920 арын вордскем граждан'ёс, озьы ик 1921-1922 арын вордскем советской граждан'ёс, средней образовани басьтэм'ёсыз Рабоче-Крестьянской Красной Армии призываться кариськозы. Красной Армия но Военно-Морской Флот выль пополнение басьтозы.

Сюрсэн лыд'яськисы егит патриот'ёс дасясько принять карыны бад'зым, почетной званизэ социалистической государстволэн воинэзлэсь.

Асьмелэн егит'ёсмы туж умой валало, мар быдча дан сдужить карыны Красной Армиын. Со ин ик егит патриот'ёс партилэсь, правительстволэсь но советской калыклэсь бад'зым осконзэс быдэстыны кужмо дасясько. Соос вискарытэк ужало политической тодонлыкэс жуто бордын. Тросэз призываться кариськисыёс умой быгато ыбыл'яськыны, тодо противогазэз но боевой оружиез. Тросэз призывник'ёс призыве мынозы куинь - ньыль оборонной значек'ёсын. Ньыль оборонной значек'ёс призывниклэсь мөлязэ украшать каро—солы котькуд юноша стремиться кариське, дасяське выполнить карыны почетной воинской обязанностиэз.

Районысьтымы призывник'ёс Красной Армиэн боец'ёсыныз султыны дасясько. Призыв азе дасяськыса соос ужлэсь производительностьэ но жуто, производствын строгой дисциплина понна нур'яськыны организаторен луо.

Призывалы умой дасяськыса, сое чидатэк вите ни 1920 арын вордскем призывник'ёс Головкин но Корепанов. Таослэсь мөляоссэс ньыль оборонной значек'ёс чебер'яло. Синмаськымон ужало производствын но. Бере уг кылы призывник Лекомцев

Афанасий Лаврентьевич но. Лекомцев эш приписка дыр'я малограмотной вал. Нош аслысьтыз общеобразовательной уровеньзэ жутонын вань сюлэмзэ поныса ужаменыз малограмотностьсэ быдт'из, али со грамотное поттэмын нй. Соин чош ик со оборонно-физкультурной подготовкаен но дасяськиз.

Верано луэ призыв азе дасяськынысь тырмытэосты но. Районамы туж ик урод уж луктэмын ГТО значеклы норма сдать каронэн. Вань призывник'ёс пöлысь 20,3 процентзэ гинэ ГТО значеклы норма сдать карызы. Та уж луэмын РАЙСФК-лэн Стрелковлэн урод ужаменыз. ГТО значеклы одйг пол кутсыса гинэ норма сётыны уг луы, со понна трос тренировкаос ортыч'яны кулэ. Нош Стрелков та ужэн өз кивалты.

Районамы 65 призывник'ёс трахомаен висё вал. Соос пöлысь 56 призывник'ёс трахомазэс бурмыт'изы ни, кылемез бурмытско на. Соос вань мылкыдынызы Красной Армии радэ мыныны ярано вылысь лечиться кариськыны выро.

Бад'зым внимание уделить каремын луыны кулэ призывник'ёс пöлын дисциплиналы. Трос дыр'я со отсутствовать каре. Вань факт'ёс, что призывник'ёс пöлысь судить но карылам'ёсыз вань ини. Котькудйз призывник луыны кулэ примерноен, дисциплинированноен. Зол дисциплина но военной подготовка—одйг братья. Вот малы нимысь обращать карано внимание призывник'ёс пöлын большевистской дисциплина внедрить карыны.

Шумпотыса чидатэк Советской егит'ёс возмало призыв нуналзэ. Асьмелэн задачамы юрттыны соослымыныны Красной Арми радэ но Военно-Морской Флотэ всесторонне дасяськемен.

Ивортон

8 сентябре, 9 часысен чукна райклублэн помещенияз районной партийной собрание луоз.

Эскероно ужпум'ёс:

1. ВКП(б)-лэн историезлэн „Краткой Курсэзлэн“ светэ потэмез дырысен

кык ар тырмонзэ ознаменовать карон сярысь доклад.

Собрание лыктоно ваньмызлы ВКП(б) член'ёслы но ВКП(б) членэ кандидат'ёслы.

ВКП(б) райком.

Колхоз бусыосысь азьмын'ясьёс

Котегурт. Верх-Люк колхозысь Федорова Зся Ефимовна но Федорова Евдокия пан'я 600 культо кертылоно вал, кертылылызы 900-1000 культо.

Ключезна. Туга колхозысь 72 арес'ем старик Тихонов Иван Трофимович аранн нормазэ мултэсэн быдэс'яллыз. Озьы ик 100-120 процентлы нормазэс быдэс'яллызы Иванов Николай но Лекомцев Андрей Григорьевич.

Федоров.

Зура. Турел колхозысь Максимова Анна, Максимова О. К., Агафонова В. П. но Максимова Ирина 450 культо кертылэм интые, 700-800 культо кертылылызы. Озьы ик мултэсэн нормазэ быдэс'яллыз Максимова Ирина мукет уж'ёсын но.

Максимов.

Кутсаськонэн медлить каро

Тюптиево сельсоветысь Баженово но Максимовка колхоз'ёс кутсаськонэн медлить каро. Та колхоз'ёслэн председател'ёссы кутсаськонэн чидантэм урод кивалто. Тани Баженово колхозлэн туннэ нуналозь чугунной приводэз ёвёл на. Нош колхозлэн председателез М. Корепанов чугунной привод шедьтон понна ёжыт но өзсюлмаськы. Соин сэрэн кутсаськон чидантэм урод мынэ. Талэсь пöртэм ик ёвёл уж Максимовка колхозын но. Та колхозлэн чугунной приводэз луыса но кутсаськон машина ремонтировать карымтэ, кутсаськыны уг луы, т'яське. Ваньмыз та факт'ёс возматом Баженово но Максимовка колхоз'ёслэн председател'ёссылэсь ас ужазы безответственно относить кариськемзэс.

Выйл верам тырмытэс уж'ёсты лыдэ басьтыса Баженово но Максимовка колхоз'ёс кутсаськон котыре вань кужымзэс пононо луо.

Верещагин.



Северной флотысь Ме-ской подводной лодкаысь боевой но политической подготовкак отличник Красной Звезда орденэн наградить каремын.

Коньдон огазаян планэз бере кыско

Сеп сельсоветысь Сеп колхозын куиньметй кварталлы коньдон огазаяны тупатэм план чидантэм ляб быдэсме. 1-тй сентябрьозь ваньмыз тыронзы лыд'яське на 13346 манет. Со пöлысь 125 манет подоходной налог, 142 манет колхозной страховой но мукет. Татын коньдон огазаян планэз быдэстон вылысь депутат'ёс, бригадир'ёс но колхозлэн председателез одйг но уг сюлмасько. Мукет'ёсызлэсь колхозник'ёслэсь коньдонзэс люкам ёвёл, асьсэлэн но обязательной платеж'ёссы тырымтэ. Колхозлэн председателезлэн Лекомцевлэн страховой но сельхозналог тыронзэ 141 манет лыд'яське, сельисполкомлэн депутатэзлэн Романовлэн 98 манет, бригадир'ёслэн С. И. Лекомцев но М. А. Лекомцев одйг копейка но тырымтэ.

Та колхозын мукет хозяйственной уж'ёсын но бере кылыса мыно. Туннэ нуналозь аран бырымтэ на. Трудовой дисциплина колхозын чидантэм ляб.

Выйл верам тырмытэосты Лекомцев эшлы лыдэ басьтыса, одно ик коньдон огазаян планэз быдэстон вылысь ужано но колхозной дисциплинаез юнматано.

Лекомцев.

Государстволы йӧл тыронэн

УГ ДЫРТО

Партиялэн но правительстволэн постановленизья котькуд фермаослы но искало колхозник'ёслы йӧл тырон план сётэмын. Нош кызьы та уж вылын быдэсме? Туж урод 20-тй августозь район'я план 62,3 процент гинэ тырмытэмын. йӧл тырон'я туж ик урод Ишошур, Такашур но мукет колхоз'ёсын. Ишошур колхоз государстволы 1200 литра ке йӧл тыроно вал 206 литра гинэ тыриз ни. Такашур колхозлэн 4800 литр планэз, тыремын 516 литра гинэ. Таце факт'ёс мукет'ёсаз но колхоз'ёсын трос. Нош отдельной колхоз'ёсты ке басытоно то татын эшшо но уж урод на. Кылсярысь, Т-Пурга колхозлэн председателез А. И. Шкляев но сельисполкомлэн депутатэз Шкляев та дырозидйг литра но ӧз на тыре. Игадур колхозысь Е. А. Корепанов 100 литр интые 5 литра гинэ сётыз ни. Зураысь сельисполкомлэн депутатэз К. Л. Стрелкова одйг литра но ӧз на тыры. Таослэсь пӧртэм ик ӧвӧл йӧл тырон служащойёс пӧлын но. Служащойёс пӧлысь В. П. Шкляев заготленын ужась, Халтурин, Кайсимов но мукет'ёсыз государстволы йӧл тырыны ӧз на но кутскылэ.

Маслозаводысь специалист'ёс йӧллэсь жирностьсэ декадалы одйг пол гинэ эскерыло. Кудйз йӧл тырмытонлы влиять каре.

Районын ваньмыз 8 отделени но 4 сливочной пункт лыд'яське. Со пункт'

ёслэн ужзы туж урод пунктэмьн. Сепаратор'ёсы уродсь. Тани Ключевкаысь сливочной пунктлэн сепараторез уродэн, колхозник'ёслэсь йӧлзэс берен келяллязы. Со сяна но урод уж'ёс вань на. Кылсярысь, Тюпиевоысь сливочной отделениысь заведующой. Ершов йӧлзэ вуэн сураса вайылыны кутскем. 3,9 процент'ем жирной йӧлзэ 1 процент'ем жирности вуттэм.

Уполнаркомзагысь Дядюковлэсь кышнозэ но вератэк уг луы. Солэн искалэзлэн йӧлзэлэн жирностез 3,9 процент составлять каре. Нош жирностьсэ эскерем бере со вуэн сураса ворттыны ӧд'ям вал но ӧз быгаты, кыктэтй проба лэстыку сое шараязы. Тини сыче „сознательноесь“ советской служащойёслэн кышнооссы. Солэсь пӧртэм ик ӧй вал Халтурина эшен но. Со но одйг пол вуэн сураса вайылз ни.

Государстволы йӧл тыронын умой относиться кариськиз М-Йырым колхоз. Та колхоз арлы сётэм йӧл тырон планзэ полностью тырмытыз инй.

Государстволы йӧл тыронлэн ляб мынэмезлэн причинаез со, что маслозаводлэн ужасьёсыз колхоз'ёсы ӧжит потало, колхозник'ёс пӧлын валэктон уж уг нуо. Азыланын маслозаводлэн аппаратэзлы асьсэлэсь ужзэс перестроить каре со вылысь, чтобы арлы тупатэм йӧл тырон планзэ одйгетй нояброзь полностью тырмытоно.

Пономарева.

Люксембургской герцогиня Лондонэ кошкиз

Нью-Йорк, 31 августэ. (ТАСС). Ассошиэтед пресс агенстволэн Лиссабоньсь корреспондентэзлэн ивортэмезя, Люксембургской герцогиня Шарлотта Лон-

донэ самолетын лобзиз. Люксембурглэн правительствеоз али Лондонын. Шарлотта сое реорганизовать карыны медэ шуыса ивортэ корреспондент.



„Возвышенной“ реч'ёс понна трибуна.

Германской командованилэн сводкаез

Берлин, 2 сентября. Германской командование ивортэ: „Германской подводной лодкс выйтйз „Данвиген Касл“ нимо 15 сюрс тоннаен водоизмещениен выль английской вспомогательной крейсереиз. Германской подводной флот куинь нунал куспын 100 сюрс тонналэсь ятыр оглом водоизмещениен данак судности выйт'яз.

31 августэ но 1 сентябре потон уйин германской авиация бомбардировать кариз Кенг но Эссэкс графствоосысь аэродром'ёсты, Темза шурлэн морее усён интысьстыз но Ливерпульысь портовой сооружениосты

но Англилэн Центральной люкетысьстыз авиазавод'ёсты. Данак тылпуос потылзизы.

Уйин английской самолет'ёс Рурской областе лобзылзизы по Берлин вадьсысь адскылзизы. Данак интыосы бомбаос куямын. Берлин вылэ налёт'ёс дыр'я германской зенитной артиллерия неприятельской самолет'ёслы бомбаоссэс город вадьсы куяны люкетйз. Кӧня ке бомбаос бусые усылзизы.

Неприятельлэн толон 133 самолет'ёсыз но воздушной заграждениосызлэн 74 аэростат'ёсыз быризы. Германской самолет'ёс 32-эз асьсэлэн базаосазы ӧз берытске“. (ТАСС).

Итальянской командованилэн сводкаез

Рим, 1 сентября. Итальянской командованилэн ивортэмез'я итальянской воздушной кужым'ёс противниклэсь Средиземной морелэн восточной люкетаз судноослэсь караванзэс бомбардировать каризы. Со судноос конвой улсын мыно вал. Огез пароход юн сӧрылэмын. Асьмелэн колониальной войскоосмы Кениялэсь важной центрзэ, Мояллы 90 километрысь Бундэз басытйзы. Неприятель • Киренайка-

ысь трос пункт'ёсты бомбардировать кариз. 7 мурт виемын но 8 эз сӧсыртэмын. Противник озьы ик бомбардировать кариз Восточной Африкаысь кудог интыосты. Отын 3 мурт виемын но 5 мурт сӧсыртэмын. Противниклэн Кельяри Сардиния аэропорт вылэ налетэз дыр'я интыысь командованилэн зданиезлэн люкетэз но муз'ем вылысь кык самолет'ёс сӧрылэмын. Бырем'ёс ӧвӧл. (ТАСС).

Лондонлэн куд-ог район'есысьстыз эвакуация

Нью-Йорк, 1 сентября. Юнайтед пресс агенстволэн ивортэмез'я, Лондонлэн куд-ог район'ёсыз эвакуироваться карисько, ма-

лы ке шуоно, германской бомбардировщик'ёслэн действениызы, газовой магистральлэн данак интыосас пуштон'ёс луизы.

Кинотеатрын

Зура 7-8-тй сентябре кинотеатрын, „Севанские рыбаки“ звуковой фильм демонстрироваться кариськоз.

Нырысь сеанс адзытыськоз 6 часэ 30 минутэ, кыкетй сеанс 8 часэ 30 минутэ. Касса усыл'яськоз 5 часэ но 30 минутэ.

Кинотеатрлэн директорез—**Князев.**

Лучкасысь судить каремын

МТС-ысь шоферлэн помощникез Хозяйкин Сергей Никифорович 29-тй августэ 1940 аре МТС-лэн гаражаз, сигетй потолкез тйяса, запасной часть—свеча вораны пырем. Со е отысь вораннысьстыз шедьтйзы, кутйзы. Хозяйкинэз „мелкой кража“ совершить каремез понна Зураысь калык суд 3-тй сентябре судить карыса одйг арлы тюремной заключени сётыз но стража улэ кутйз.

Сундов.

Редакцилэсь

65 номеро поттэм „Колхоз бусы“ газетамы „Копаневлэн съӧд уж'ёсыз“ шуыса гожтэм статьяез зэмен ӧвӧл лыд'яно.

Отв. редактор КНЯЗЕВА. Поттйсь Райисполком

3-ти кварталз коньдон огазьян планлэн 31-ти августозь быдзсэмеиз сярысь сводка

Сельсовет'ёс	Процентэн вераса
Зуринской	75,4
Котегуртской	78,8
Сепской	81,8
Сепожской	60,3
Б-Пургинской	56,6
Чубоевской	63,9
Быдзимонгурской	89,5
Ключевской	49,2
Карачумской	88,4
Тюпиевской	55,7
Ваньмыз	71,4